

## Dan planete Zemlje

Jednom davno, milionima godina ranije svemir bijaše prepun zvijezda. Neke su bile toliko blještave da se u njih nije moglo gledati, a neke bijahu gotovo ugasle tek ponekad bi zasvjetlucale, te tako pokazivale da su još uvijek žive. I tako jednog dana u beskonačnom prostranstvu svemira, nekako iznenada došlo je do sudara dviju zvijezda koji u historiji čovječanstva nikada neće biti zaboravljen. Bio je to sudar između najsvjetlije i najtamnije zvijezde Sunčeve galaksije. Taj sudar bijaše toliko jak da se svemir tresao danima kasnije. Mnogi su mislili da će posljedice tog sudara biti katastrofalne, a ustvari na iznenađenje mnogih iz tog sudara nastalo je nešto divno, nešto neponovljivo, nešto savršeno u svojoj nesavršenosti jednostavno receno nastala je naša planeta-Zemlja.

Ustvari nastala je naša druga majka koja se oduvijek brižno o nama brine.

Daje nam zrak koji dišemo. Daje nam hranu koju jedemo. Daje nam vodu koju pijemo. I općenito ona nam daje mjesto koje mi danas nazivamo domom.

A kako joj to mi vraćamo?

Tako što je trujemo, bacamo smeće na svakom koraku.

Tako što uništavamo sve ono što nam je podarila.

Svaki izvor koji nam je dala mi smo uništili, svaka prirodna oaza koja nam je darovana uništena je ljudskom sebičnošću, zlobom i nerazmišljanjem.

Eh čovče, a da li si zaboravio da bez te Planete koju svakodnevno gaziš ti ne bi postojao, ja ne bi postojala, ni vi ne biste postojali i niko drugi ne bi postojao.

Nemoj zaboraviti da je tvoj život u njenim rukama i kako ti ga je darovala tako ti ga može i oduzeti.

Zato počni mariti i počni brinuti jer kasnije biti će kasno za žaljenje.

Voli jer ljubav je jedino što si od nje ikada dobio i zato poštuju.

Sretan ti rođendan planeto Zemljo.